

УЛС ТӨР

Н.ГАНХУЯГ: ХҮССЭН,
ХҮСЭЭГҮЙ БИД НҮҮХ Л
ХЭРЭГТЭЙ

II нүүрт

ХҮН

Б.МӨНХЖАРГАЛ: АЖИЛ ХАЙГЧДЫН ИХЭНХ
НЬ ЭМЭГТЭЙЧҮҮД, ДЭЭД БОЛОВСРОЛТОЙ
ЗАЛУУС БАЙДАГ

VI-VII нүүрт

Улаанбаатар: ӨНӨӨДӨР



Хэн нь хэн бэ?



УЛААН ТОЙРГИЙН УЛААН “КОММУНИСТ”

Ч.ЧУЛУУН

“Хэн нь хэн бэ” булангийнхаа өмнөх дугаараас УИХ-ын гишүүдийн хэн нь хэн бэ, өмнө нь хэн байв, одоо хэн болов, юу хийж байна, сонгогчдын итгэл найдварыг дааж чадах төрийн түшээ мөн үү гэдгийг тольдон уншигчиддаа мэдээлж эхэлсэн билээ. Өмнөх дугаартаа бид УИХ-ын сонгуулийн 1-10 дугаар тойргийн гишүүдийг онцолж, нэр дэвшигчийн намтар, хувь хүнийхээ хувьд хэн болох, цаашлаад төр түших ажлаа хэрхэн нэр хүндтэй хийж буйг нь уншигчиддаа хүргэсэн. Тэгвэл энэ удаагийн дугаарт, УИХ-ын сонгуулийн 11 дугаар тойрог болох Говь-Алтай аймгаас УИХ-ын гишүүнээр томилогдсон УИХ-ын гишүүн, Хуульзүйн байнгын хорооны дарга Ш.Раднаасэдийг онцлох байна. Харин дараагийн дугаартаа УИХ-ын сонгуулийн 12 дугаар тойрогос сонгогдсон УИХ-ын гишүүн Г.Мөнхцэцэг таныг бид онцлох болно.

Үргэлжлэл нь V нүүрт

ҮЗЭЛ БОДОЛ

ТОХИРОО ХЭРХЭН ҮРГЭЛЖЛЭХ БОЛ...

–Сурталчилгаа эхлээгүй ч сошиал дахь гүтгэлэг,
доромжлол хэдийнэ эхэлчихэж–

Б.ӨНӨРТӨГТӨХ

Ганцхан суудлаар шангаажилж, төрийн ажлыг удтал гацаасан МАХН-ынхан өнгөрөгч мягмар гарагийн орой нэр дэвшигчээр зарлалаа. Намын дарга Н.Энхбаяр ялтайн улмаас өрсөлдөх боломжгүйд хүрч, дараагийн хувилбар хэн байх нь хүлээлт үүсгэж, олон ч таамаг өрнөлөө. Хуулийн хугацаа тулчихсан үед МАХН-ынхан хаалга үүдээ түгжиж орхиод хуралдсан. Бага чуулганы гишүүн хэд байдаг, ямар хүн өрсөлдөж байгаа талаар ч нэгдсэн мэдээлэл байхгүй байлаа. Мягмар гарагийн 21.00 цагийн орчим тэд эцсийн шийдвэрээ гаргаж, намынхаа нэрийг экс гишүүн С.Ганбаатарт “түрээслүүлэх” шийдвэрт хүрснээ зарласан билээ. С.Ганбаатар МАХН-

ын гишүүн биш. Тэрбээр, 2012 оны сонгуулиар Дархан-Уул аймгаас бие даан УИХ-д орж ирсэн ч дундаас нь нам байгуулж, даргаар нь очсон. Гадаадад өндөр боловсрол эзэмшсэн дандаа шижигнэсэн залуусаар эгнээгээ бүрдүүлсэн ХҮН-ын даргаар С.Ганбаатар очсон даруйд асуудал үүсч билээ. Улмаар чадварлаг залуустай нам гэх нэр хүндээ алдаж, олон даргатай болж онигоо болсон түүхтэй. Намын дарга гэх С.Ганбаатар нь боловсрол эзэмшээгүй, намтарт бичсэн олон дээд сургуулийнхаа нэгийг нь ч төгсөөгүй гэсэн баримт олонд ил болсон. Тэгвэл өөрийн гэсэн намгүй, бас баггүй С.Ганбаатарт МАХН ийм боломж олгосон нь хоёр өдрийн ярианы сэдэв байлаа.

Үргэлжлэл нь III нүүрт

Дугаарын **60** мөр

Төрийн албаныхан
Си, Ши-гээ ч ялгахгаа
больжээ

Г.ГАНЧИМЭГ

Одоогоос бараг гурван жилийн өмнө буюу 2014 оны намар БНХАУ-ын дарга Си Зиньпин гэргийн хамтаар манай улсад албан ёсны айлчлал хийсэн билээ. Тухайн үед Монгол Улсын Ерөнхийлөгч Ц.Элбэгдоржийн урилгаар манай улсад хоёр өдөр айлчилсан БНХАУ-ын дарга Си Зиньпиний аюулгүй байдал, хамгаалалт, үйлчилгээний чанарт маш их анхаарал хандуулж байсан. Тэр ч байтугай Ерөнхийлөгчийн хэвлэлийн албанаас бүх л хэвлэл мэдээллийн хэрэгслүүд руу утас цохиж Си Зиньпин даргын нэрийг буруу бичихгүй байхыг хүсч, урьдчилан анхааруулж байлаа. Тусгаар тогтносон бүрэн эрхэт хоёр улсын албан ёсны дээд хэмжээний айлчлал учраас энэ мэтийн нарийн дэг ёс, дипломат харилцаа байх нь зүйн хэрэг. Гэтэл одоо нэг л өөр болчихжээ.

Үргэлжлэл нь III нүүрт

SKY APARTMENT

GERMAN CHANARYG TAND MEDRUULNE

УДАХГҮЙ НЭЭГДЭХ ЗАГВАРЫН БАЙРАНДАА ТАНЫГ УРЬЖ БАЙНА



37мкв, 46мкв, 49мкв, 52мкв,
55мкв, 57мкв талбай бүхий
2 өрөө орон сууцнаас
сонголтоо хийгээрэй



70мкв, 88мкв талбай бүхий
3-4 өрөө орон сууц ердөө
12ш байгаа тул та амжиж
сонголтоо хийгээрэй



Дотроо 2 давхар бүхий
Дуплекс загварын орон сууц нь
112мкв, 104мкв, 125мкв бүхий
3 төрлийн сонголттой



Тансаг зэрэглэлийн Пентхаус загвар нь
4-5 өрөөтэй бөгөөд
88мкв, 90мкв, 129мкв бүхий
3 төрлийн сонголттой

ТӨЛБӨРИЙН ТААТАЙ НӨХЦӨЛ УРЬДЧИЛГАА 10%

Банкуудаар тусгайлан үйлчлүүлж,
зээлээ **7 хоногийн** дотор
шуурхай шийдүүлэх боломж

ЗГ-аас хэрэгжүүлж буй
Ипотекын **8%** зээлэнд
хамрагдах боломж

Борлуулалтын компанитай
1-2 ЖИЛ хүртэлх хугацааны
хүүгүй график тохирох боломж



ХӨНГӨЛӨЛТ УРАМШУУЛАЛ

ОРОН СУУЦНААС СОНГОЛТОО ХИЙСЭН ЭРХЭМ ТАНД БИД ДООРХ
ХӨНГӨЛӨЛТ, УРАМШУУЛЛЫГ ҮЗҮҮЛЭХ БОЛНО

Үүдний өрөөний **ХУВЦАСНЫ
ШҮҮГЭЭГ** бэлэглэнэ.

Урьдчилгаа төлбөрөөс хамааран **ҮНИЙН
ХӨНГӨЛӨЛТИЙГ** эдлэнэ.

Sky Апартаментын хаяг: БГД 18-р хороо, Амарсанаагийн гудамж, хуучнаар Од кино театрын баруун талд

facebook.com/TheSkyApartment

УТАС: 88002312, 88030203

Захиалга авах хаяг: Сүхбаатар дүүрэг Улсын драмын театрын хойд талд “УЛААНБААТАР ПРОПЕРТИЗ” ХХК өөрийн байранд

www.skyapartment.mn

УТАС: 96066329, 77009919

ХААН Банк

	Авах	Зарах	Авах	Зарах
АМ.ДОЛЛАР	2416.00	2426.00	ФУНТ	3084.00
ЕВРО	2652.00	2715.00	РУБЛЬ	41.80
ИЕН	21.37	21.64	ЮАНЬ	350.00

Хугалгаа хөгжлийн банк

	Авах	Зарах	Авах	Зарах
АМ.ДОЛЛАР	2416.00	2430.00	ФУНТ	3090.00
ЕВРО	2659.00	2725.00	РУБЛЬ	41.66
ИЕН	21.28	21.85	ЮАНЬ	350.00

Өчигдрийн 19.00 цагийн байдлаар

ОНЦЛОХ ХУУДАС

᠋ᠣᠶᠢ ᠢᠦ ᠋ᠣᠶᠢ ᠠᠶ?

УЛААН ТОЙРГИЙН УЛААН “КОММУНИСТ”



Төгсгөл.
Түүрүүч нь I нүүрт

...Хөгждөггүй-гээрээ алдартай Говь-Алтай аймаг УИХ-д ганц мандаттай. УИХ-ын 11 дүгээр тойрог улаан гэдгээрээ ч алдартай. МАН өмнөх УИХ-ын ээлжит сонгуульд Ц.Дашдоржийг эдийн засгийн хувьд зардлаа даагаад явчих чадалтай хэмээж, Ж.Энхбаярыг нэр хүндтэй генералын хүү гэдгээр нь ээлжлэн илгээдэг байв...

Улс төрийн хүрээнийхэн хийгээд улс төрд хаалга тогшилгүйгээр орж ирсэн бор халзан хонинуудын түүнд өмсүүлсэн алдрын титэм нь энэ. Жирийн сонгогчдын хувьд Шатарбалын Раднаасэд УИХ-д ч, улс төрд ч шинэ хүн. “Эрдэнэтийн 49” хувийн асуудалд хориг тавих тухай асуудал олны анхаарал татах үеэс нүдний шилтэй, дугуй цагаан царайтай залуу телевизийн дэлгэцнээ хэдэн өдөр дараалан гарч элдэв тайлбарыг хийх болсноор УИХ-д Ш.Раднаасэд гэдэг гишүүн байдаг, Хууль зүйн байнгын хорооны даргаар ажиллаж байсан гэж хэлж болно. Ер нь л нийгэмд танигдаагүй нэгэн. Харин хуульчийн хувьд шаггүй гэлцэх нь бий. Тэрбээр цагтаа Монгол Улсын Ерөнхийлөгч асан Н.Энхбаярын хүрээлэнд багтаж, хуулийн зөвлөхөөр нь ажиллаж байсан юм. Эдүгээ намтартаа Монгол Улсын Ерөнхийлөгчийн зөвлөхөөр ажиллаж байсан тухайгаа дурьдах төдий өгүүлэх болж. Магадгүй түүнтэй шадарлаж явснаа зүүдлэхээс ч айдаг болсон байж мэднэ. Ш.Раднаасэд албан тушаалын хувьд азтай, одтой эр. МУИС-ийг хуульч, эрх зүйч мэргэжлээр дүүргэсэн тэрбээр саарал ордонд олон жил төрийн албанд зүтгэсэн эцгийнхээ нөлөөгөөр Хууль зүйн яамны Стратеги төлөвлөлтийн хэлтэст хөл тавьж, ЗГХЭГ-т шинжээч, референт, АТГ-т хэлтсийн дарга, Ерөнхийлөгчийн Хуулийн бодлогын зөвлөх, МАН-ын Ерөнхий нарийн бичгийн даргын зөвлөх, Намын байгуулалтын хэлтсийн дарга,

МХЕГ-ын даргын үүрэг гүйцэтгэгч, дарга, МАН-ын ХЭГ-ын дарга, УИХ дахь МАН-ын бүлгийн ажлын албаны дарга гэхчилэн ногоон гэрлээр албан тушаал ахисан байх жишээний. Эдүгээ цэнхэртэж баларч байсан тойргийг эргээд улаан болгосныхоо шагналаар Хууль зүйн байнгын хорооны даргын сэнтийд заларч буй. Нөгөөтэйгүүр, түүний хашиж ирсэн албан тушаал нь Ш.Раднаасэдийн ард талд нэр нөлөө бүхий улстөрч, бизнесмэн байж магадгүй гэх хардлагыг нийгэмд төрүүлэх юм билээ. Ямартай ч УИХ-ын 2016 оны сонгуульд түүнийг Говь-Алтай аймагт дэвшүүлэх саналыг Уул уурхай, хүнд үйлдвэрийн сайд Ц.Дашдорж тавьж, МАН-ын дарга М. Энхболдод ойр байдгийнхаа хэргийг хийсэн гэх яриа гарсан. Хөгждөггүйгээрээ алдартай Говь-Алтай аймаг УИХ-д ганц мандаттай. УИХ-ын 11 дүгээр тойрог улаан гэдгээрээ ч алдартай. МАН өмнөх УИХ-ын ээлжит сонгуульд Ц.Дашдоржийг эдийн засгийн хувьд зардлаа даагаад явчих чадалтай хэмээж, Ж.Энхбаярыг нэр хүндтэй генералын хүү гэдгээр нь ээлжлэн илгээдэг байв. Харамсалтай нь алтайчууд тэднээсээ хэдийнэ уйдаж, хоёр аваргын нэр хүнд ч навс унасан тул шинэ хүний эрэлд мордсон нь Ш.Раднаасэд байлаа. Харин түүнд дахин аз тохиож олонхийн саналыг авч чадсан хэрэг.

Тойргоо услахаа мартсан гишүүн

Хэрэг нь бүтсэн бол нүүрээ бууруулдаг зантай нэгэн

гэдгийг алтайчууд мэдээгүй нь тун тоогүй. Ш.Раднаасэд УИХ-ын гишүүн болсноосоо хойш тойрог руугаа явж сонгогчидтойгоо нэг ч удаа уулзаагүй байна. Нэр дэвшиж явах үедээ саарал дээлний хормой хийсгэн сумын төвийн гудамжаар явж, өвгөд хөгшдийн тохойг өргөн “Би Шатарбалын даргаар ажилласан богнохоон барьж, баруун хацраа үнсүүлж явснаа мартаж орхижээ. Улсын нэгдсэн төсвийг УИХ-ын чуулганаар хэлэлцэх үед ч Говь-Алтай аймаг, УИХ-ын 11 дүгээр тойргийн нон даруй шийдвэл зохих асуудлаас дөнгөж хоёрхон зүйлийг төсөвт суулгасан байх юм. Сэлэнгэ аймгийн Мандал сум байтугайгаас жижигхэн энэ суурин газрын иргэд сонсогчид УИХ-д төлөөлөлтэй, зүгээр ч үгүй Хууль зүйн байнгын хорооны даргатай боллоо хэмээн хөөрдөглөвч өнөөх нь санаж сэдэх тал дээр гавихгүй нэгэн гэдгээ жил гарангийн хугацаанд харуулав. Тэгсэн атлаа нийгмийн анхаарал татсан, өөрт нь нэр төр авчрах зүйл дээр огло харайн босч телевизийн сэтгүүлчдийн дуудан хуулийн зүйл заалт ярин дөвчигнөх нь бий. Аймаг нь усгүй, тойрог нь услагаа муутай болохоор Говь-Алтай аймаг элсэн дундаа шингдсээр байх нь дамжиггүй. Нөгөө талаар Говь-Алтай аймаг ундны усны хомсдолтой байдаг. Тиймээс ундны усны бизнес хийгээд ч болов тойргийн асуудлаа шийдэхсэн. Ер нь ч Раднаасэд нэр цэвэр улстөрч биш юм билээ. Шийдлийн Засгийн газар засгийн эрхийг барьж байх үед МХЕГ-ын даргын үүрэг гүйцэтгэгч, даргаар хэсэгхэн хугацаанд ажилласан. Энэ үедээ албан

тушаалаа ашигласан гэх хоёр ч хэрэгт нэр холбогдсон байх юм. Тодруулбал, үүрэг гүйцэтгэгчээр ажиллахдаа ажилдаа тэнцэхгүй “С” үнэлгээ авч халагдсан Өвөрхангай аймгийн Мэргэжлийн хяналтын газрын байцаагчийг ажилд нь эргүүлэн томилж хэл үгэнд өртөж байсан бол МХЕГ-ын даргаар ажилласан богнохоон хугацаанд нэг нөхөрт гарал үүслийн гэрчилгээгүй хилээр орж ирсэн эмийг эмийн сангаар худалдаалах эрх өгсөн байх юм. Энэ талаархи мэдээллийг цахим ертөдийн

архиваас уншиж болно. Эцэст нь өгүүлэхэд нууцлаг байх гэж оролдоод ч бүх зүйл нь ил байдаг Ш.Раднаасэдийн тухай өгүүлэхэд ийм байна. Түүнийг ямар сургууль төгссөн болохыг нэлээд эрэл сурал болж байж олсон гэдгийг энд дурьдах нь зөв байх. Намтартаа зөвхөн дээд сургууль төгссөнөөсөө хойшхыг өгүүлжээ. Дотоодод сургууль төгссөн, эрдмийн зэрэг, цол хамгаалаагүй болохоор түүнээсээ ичдэг ч байж мэдэх юм. Ийм нэг улаан “коммунист” УИХ-д Говь-Алтай аймгийг төлөөлдөг.

НАМТАР

- 1998-2000 Хууль Зүйн Яамны Стратеги төлөвлөлтийн газар мэргэжилтэн,
- 2000-2007 ЗГХЭГ-т шинжээч, референт
- 2007-2008 Авилгалтай Тэмцэх Газрын Хэлтсийн дарга
- 2008-2009 Ерөнхийлөгчийн Хуулийн бодлогын зөвлөх,
- 2010 оноос МАН-ын Ерөнхий нарийн бичгийн даргын зөвлөх, Намын байгуулалтын хэлтсийн дарга, МАН-ын ХЭГ-ын даргаар тус, тус ажилласан байна.
- 2014 оноос УИХ дахь МАН-ын бүлгийн ажлын албаны дарга
- 2016 оноос УИХ-ын гишүүн, Хууль зүйн байнгын хорооны дарга

